



Notat

Til

Kopi til:

Saksbehandlar: Kommunedirektør/Solrun Hauglum

Vår referanse: 21/1011 - 21/11242

Dato: 05.12.2021

Emne: Svar på spørsmål til betalingssatsar budsjett 2022

Avbestilling av middag for heimebuande.

Heimebuande brukarar kan abonnera på middagslevering gjennom Vaksdal kommune.

Middagslevering er ei serviceteneste kommunen gir heimebuande. Det er ikkje ei lovpålagt oppgåve, og fleire har dei siste åra funne seg andre alternativ til ferdiglaga middag, t.d. ved å kjøpa ferdigmiddag i butikk til oppvarming.

Leverandør har hatt 14 dagars avbestillingsfrist på middagslevering til kommunen. No er avbestillingsfristen sett til 10 dagar, så ein kan gå ned til 10 dagars avbestillingsfrist frå brukar utan at det gir økonomiske konsekvensar. Forkortar ein fristen meir enn dette, vert det ekstra utgifter for kommunen. Det er ikkje sett av budsjettmidlar til å dekkja ekstraavgifter knytt til middagslevering.

Avbestilling av praktisk bistand.

Det er ei veke frist for å avbestilla praktisk bistand. Det har samanheng med organisering av drift og disponering av tilsette/kompetanse i heimetenesta. Det kan vurderast å gå noko ned i frist, men frist på under 3-4 dagar vil vanskeleggjera drift og disponering av personell.

Ikkje automatisk fråtrekk for praktisk bistand ved sjukehusinnlegging.

Det har komme spørsmål om kva som meines med denne setninga.

Kommunen har ikkje oversikt over kva innbyggjarar som vert innlagde på sjukehus. Melding om dette går til kommunen kun når dei som treng helsefagleg oppfølging i etterkant, vert innlagde på sjukehus. Og kommunen vert ikkje varsla om innlegging i forkant. Det er derfor ikkje råd å laga eit system der brukarar automatisk vert lagt inn med avbestilling av praktisk bistand. Me er avhengig av at brukar melder frå, og avbestilling vert då lagt inn manuelt.

Ved korttidsopphold på kommunal avdeling kjenner me til opphaldet og kan leggja inn avbestilling/opphøyr i tenester utan at brukar må melda frå. Dette er det rutinar for.

Avbestilling av dagsenterplass.

Avbestilling og tal personar på dagsenterplass vil gi konsekvensar for tal middagsporsjonar og disponering av personell. Til no har det vore lik avbestillingsrutine på alle dagsenteravdelingane.

Grunna endra avbestillingsfrist frå middagsleverandør, kan avbestilling av dagsenterplass setjast til

10 dagar. På Stamnes kan ein ha kortare avbestillingsfrist, ned til 3-4 dagar, sidan det ikkje vert levert ferdigprodusert middag der. Ein går då vekk frå like avbestillingsrutinar.